



Bosna i Hercegovina
Federacija Bosne i Hercegovine
Srednjobosanski kanton/Kanton Središnja Bosna
Kantonalno tužilaštvo Srednjobosanskog
kantona/Kantonalno tužiteljstvo Središnja Bosna
Travnik

Broj: T06 0 KT 0037954 25
Travnik, 08.06.2026.godine

OPĆINSKOM SUDU U TRAVNIKU

-Sudiji za prethodno saslušanje-

Na temelju odredbe člana 45. stav 2. tačka i) i člana 241. stav I. Zakona o krivičnom postupku F BiH (Službene novine Federacije BiH, broj 35/03, 37/03, 56/03, 78/04, 28/05, 55/06, 27/07, 53/07, 9/09, 12/10 i 8/13, 59/14 i 74/20) podižem:

OPTUŽNICU

Potvrđena dana 21.08.2026. godine

Protiv:

D. D.

Što je:

Dana 08.08.2025.godine na području općine Vitez, na lokalitetu Brizjak/Veliki Mošunj, nehatnim postupanjem izazvao opasnost za život ljudi uslijed čega je jedna osoba smrtno stradala, na način da je u momentu sječe stabala kojoj su prisustvovali I. D. i oštećeni M. K., iako svjestan radnji koje poduzima i opasnosti istih, kao i činjenice da zbog njegovog činjenja ili ne činjenja može nastupiti zabranjena posljedica, ali je olako držao da ona neće nastupiti ili da će je moći spriječiti, pa je tako za vrijeme obaranja stabala u momentu kada se jedno od stabala ukliještilo na drugo ne oboreno stablo, ne obraćajući pažnju gdje se nalazi oštećeni K. M., prišao te gurnuo posječeno stablo i tako ga pokrenuo, nakon čega je prilikom pada isto stablo palo na oštećenog, uslijed čega je isti zadobio teške po život opasne ozljede, te je prebačen u bolnicu HB Dr. Fra Mato Nikolić u Novu Bilu, a potom i KCU Sarajevo, gdje su mu konstatovane teške tjelesne ozljede u predjelu glave, vrata, grudnog koša, lijeve bedrene kosti i

desnog ručnog zgloba u vidu prijeloma prednjeg zida desno gornje viličnog sinusa sa utisnućem ulomaka, te sa izlivom krvi u njegov zjap, prijeloma poda desne očne duplje, krvnih podliva desne polovice lica i čela, te okolice lijevog oka, vrata obostrano, te desnog ramena i nadlaktice, prijeloma stražnjeg okrajka I lijevog rebra sa pomjeranjem ulomaka i stražnjeg okrajka II lijevog rebra, bez pomjeranja ulomaka, uz manji izliv krvi u gornji dio lijeve grudne duplje, višekomadni prijelom vrata lijeve bedrene kosti bez bitnijeg pomjeranja ulomaka uz prijelom između njenih kvrga (trohantera), prijelom donjeg dijela desne palačne kosti, razdero nagnječne rane sluznice nepca i obraza, izliva krvi u meke moždane ovojnice u predjelu između polutina velikog mozga i izliva krvi ispod tvrde mozgovne ovojnice lijevo tjemeno na konveksitetu i obimnog izliva u obje grudne duplje, a od kojih je dana 24.08.2025.godine oštećeni i preminuo na KCU Sarajevo

dakle, nehatnim postupanjem izazvao opasnost za život ljudi uslijed čega je jedna osoba smrtno stradala

Čime bi počinio krivično djelo Teška krivična djela protiv opće sigurnosti ljudi i imovine iz člana 328. stav 4. u vezi 323. stav 4. u vezi stava 1. KZ FBiH.

KANTONALNI TUŽILAC

Poštovani predstavnici medija, molimo Vas da prilikom prenošenja vijesti imate u vidu da osobe na koje se odnose vijesti i informacije iz Kantonalnog tužilaštva Travnik, imaju status osumnjičenih ili optuženih osoba. Podsjećamo na načelo presumpcije nevinosti koje definiše da se niko ne može smatrati krivim dok mu se krivica ne dokaže pravosnažnom presudom